



Na osnovu člana 38. Statuta Grada Sarajeva ("Službene novine Kantona Sarajevo" broj. 34/08 – prečišćeni tekst), i Zaključka Gradskog vijeća Grada Sarajeva broj: 01-GV-02-1004/18 od 26.09.2018. godine, a nakon provedenog postupka po Javnom pozivu broj: 01/04-05-6114/18 od 23.11.2018. godine, te Zapisnika Komisije od 17.12.2018. godine i Zapisnika s terena za davanje u zakup, korištenje i održavanje dijela kompleksa Bijele Tabije broj: 08-365-1/18 od 17.01.2019. godine, gradonačelnik Grada Sarajeva donosi

ODLUKU

o poništenju Javnog poziva za prikupljanje prijava za davanje u zakup, korištenje i održavanje dijela kompleksa Bijela Tabija

Član 1.

Poništava se Javni poziv za prikupljanje prijava za davanje u zakup, korištenje i održavanje dijela kompleksa Bijela Tabija, broj: 01/04-05-6114/18 od 23.11.2018. godine, objavljen na web stranici Grada Sarajeva i dnevnom listu "Oslobođenje" dana 27.11.2018. godine.

Član 2.

Ova Odluka stupa na snagu danom donošenja i ista će biti objavljena na web stranici Grada Sarajeva, a obavještenje u dnevnom listu "Oslobođenje".

Gradonačelnik

mr. Abdulah Skaka

Broj: 01/04-05-6114 -2/18
Sarajevo, 21.01.2019. godine

Obrazloženje:

Gradsko vijeće Grada Sarajeva je, Zaključkom broj: 01/04-05-6114/18 od 26.09.2018. godine, zadužilo Gradonačelnika da preduzima potrebne pravne radnje, uključujući i upućivanje javnog poziva, te da po provođenju javnog poziva sklapa pravne poslove u ime Grada Sarajeva sa trećim licima, a u cilju osiguranja upravljanja, zaštite i održavanja, te obogaćenja turističke ponude na lokalitetu Bijela Tabija u dijelu i na način kako je to moguće, imajući u vidu da je Bijela Tabija nacionalni spomenik.

U skladu sa navedenim Zaključkom, Gradonačelnik Grada Sarajeva raspisao je Javni poziv za prikupljanje prijava za davanje u zakup, korištenje i održavanje dijela kompleksa Bijela Tabija putem javnog nadmetanja – licitacije broj: 01/04-05-6114/18 od 23.11.2018. godine.

Javnim pozivom su obuhvaćene sljedeće parcele:

- Zemljište preko puta restorana Bijela Tabija tzv. Magacin, dimenzija 17,00mx13,00m, površine 221m²
- Zemljište između restorana Bijela Tabija i tvrđave, dimenzija 46,50mx10m, površine 465,00m²
- Zemljište desno od ulaza u tvrđavu dimenzija 10mx10m, površine 100m²



Na javni poziv pristigla je jedna ponuda i to za zemljište desno od ulaza u tvrđavu dimenzija 10mx10m površine 100m².

Komisija za ocjenjivanje ponuda po Javnom pozivu, imenovana Rješenjem Gradonačelnika broj: 01/04-05-6114/18 od 13.12.2018. godine izvršila je otvaranje pristigle ponude pravnog lica UR "Bijela Tabija" i konstatovala da je ponuđač ispunio sve tražene uslove.

Nakon izvršenog obilaska predmetne lokacije, podnositelj ponude - UR "Bijela Tabija" je povukao svoju prijavu što je konstatovano Zapisnikom s terena za davanje u zakup, korištenje i održavanje dijela kompleksa Bijele Tabije broj: 08-365-1/18 od 17.01.2019. godine.

U skladu sa navedenim, donosi se Odluka o poništenju Javnog poziva za prikupljanje prijave za davanje u zakup, korištenje i održavanje dijela kompleksa Bijela Tabija.